

JP Nacionalni park „Una“ d.o.o. Bihać  
Ul. Bosanska br. 17D  
77 000 B I H A Ć  
Nadzorni odbor  
Broj: 02-0377-5/23  
Bihać, 28.02.2023. godine

Na temelju člana 33. i 38. Statuta JP Nacionalni park „Una“, d.o.o. Bihać, a u vezi sa članom 9. stav 2. tč. 1. Zakona o Nacionalnom parku Una („Službene novine Federacije BiH“ broj: 44/08), Nadzorni odbor na prijedlog direktora na 47. sjednici održanoj 28.02.2023. godine, donosi

## **ODLUKU**

o uvjetima i načinu organizacije sportsko - rekreativnih aktivnosti  
na vodenim tokovima u području Nacionalnog parka „Una“ za 2023. godinu

### Član 1.

Ovom Odlukom uređuju se pitanja od značaja za organizaciju sportsko - rekreativnih aktivnosti na vodenim tokovima u području Nacionalnog parka „Una“ Bihać i to: rafting, kajakaštvo, kanu, podvodne aktivnosti (ronjenje) i druge dozvoljene sportsko-rekreativne aktivnosti.

### Član 2.

Organizacijom sportsko - rekreativnih aktivnosti iz člana 1. ove Odluke mogu se baviti pravna lica koja imaju potpisan Ugovor sa Upravom JP Nacionalni park „Una“ d.o.o. Bihać i koja su registrirana kod nadležnih organa za pružanje ove vrste usluga posjetiteljima, kao i posjetitelji koji plovidbu vrše u vlastitoj organizaciji.

Posjetitelji koji imaju namjeru plovidbu vršiti samostalno u vlastitoj organizaciji, moraju ispuniti određene uvjete propisane Pravilima o uvjetima i načinu organizacije sportsko-rekreativnih aktivnosti na vodenim tokovima u području Nacionalnog parka „Una“ za 2023. godinu.

### Član 3.

Sastavni dio ove Odluke čine Pravila o uvjetima i načinu organizacije sportsko - rekreativnih aktivnosti na vodenim tokovima u području Nacionalnog parka „Una“, a u skladu sa odredbama Zakona o Nacionalnom parku „Una“ i Zakona o unutrašnjoj i pomorskoj plovidbi Federacije BiH i drugih propisa koji reguliraju vršenje ovih aktivnosti.

### Član 4.

Pravna i fizička lica iz tačke 2. ove Odluke su dužna uplatiti novčanu naknadu na bankovni račun Javnog preduzeća u roku od tri dana od dana izvršene usluge odnosno završetka posjete području Nacionalnog parka „Una“. Plaćanje se može izvršiti i u gotovini u naplatnim i info kućicama. Naknade se plaćaju u iznosima:

- 12,00 KM (dvanaest KM) za svakog posjetitelja u plovilu-korisnika usluga na dionici Štrbački buk-Lohovo,

- 6,00 KM (šest KM) za svakog posjetitelja u plovilu-korisnika usluga na dionici Martin Brod Kulen Vakuf,
- 3,00 KM (tri KM) za svakog posjetitelja u plovilu-korisnika usluga na dionici Troslap-Dvoslap,
- 12,00 KM (dvanaest KM) za svakog posjetitelja ronioca koji vrši podvodne aktivnosti u rijeci Uni na dionici Martin Brod - Lohovo.

#### Član 5.

Svakom posjetitelju ili grupi posjetitelja (grupna ulaznica) koji upražnjava sportsko-rekreativne aktivnosti na vodenim tokovima u području Nacionalnog parka „Una“ Javno preduzeće je dužno izdati ulaznicu (ulaznica za rafting, kajak, kanu, ronjenje) i fiskalni račun. Na dan plovidbe, posjetitelji ulaznicu za plovidbu vodenim tokovima mogu koristiti i za posjetu drugim dijelovima Nacionalnog parka „Una“, a gdje se vrši naplata ulaza (posjetilačke zone Štrbački buk-Lohovo i Martin Brod).

#### Član 6.

U cilju što kvalitetnije organizacije i podrške organizaciji Internacionalne turističke Una regate, neće biti dopušten komercijalni rafting u području Nacionalnog parka Una u vrijeme trajanja ovog događaja osim prijavljenih plovila i učesnika Regate.

#### Član 7.

Lica koja se bave organizacijom sportsko - rekreativnih aktivnosti na vodenim tokovima u području Nacionalnog parka „Una“, a koja nisu izmirila financijske obaveze po pitanju naknada za organizaciju sportsko-rekreativnih aktivnosti na vodenim tokovima iz prethodnih godina prema JP Nacionalni park „Una“ d.o.o. Bihać ili nemaju potpisan ugovor za vršenje ovih aktivnosti u 2023. godini, neće biti dozvoljeno obavljanje djelatnosti iz člana 1. ove odluke u 2023. godini sve do momenta izmirenja dugovanja odnosno ispunjavanja propisanih uvjeta za obavljanje djelatnosti i potpisivanja ugovora.

#### Član 8.

Ova Odluka stupa na snagu danom donošenja, a primjenjivati će se za kalendarsku 2023. godinu.

Predsjednica Nadzornog odbora

Željka Marković-Sekulić, dipl. pravnica